

Headline	Dokumentari tumbuhan ubatan		
MediaTitle	Harian Metro		
Date	06 May 2014	Color	Full Color
Section	Variasi	Circulation	825,000
Page No	V7	Readership	2,475,000
Language	Malay	ArticleSize	783 cm ²
Journalist	Mohd Sabran Md Sani	AdValue	RM 30,247
Frequency	Daily	PR Value	RM 90,741



PESERTA mempelajari penyediaan tumbuhan herba.

GAMBAR IHSAN INSTITUT PENYELIDIKAN PERHUTANAN MALAYSIA (FRIM)

LATIHAN yang dijalankan kakitangan FRIM.

Dokumentasi tumbuhan ubatan

Headline	Dokumentari tumbuhan ubatan		
MediaTitle	Harian Metro		
Date	06 May 2014	Color	Full Color
Section	Variasi	Circulation	825,000
Page No	V7	Readership	2,475,000
Language	Malay	ArticleSize	783 cm ²
Journalist	Mohd Sabran Md Sani	AdValue	RM 30,247
Frequency	Daily	PR Value	RM 90,741

325 Orang Asli dilatih kumpul maklumat dan pengetahuan tradisi babitkan 1,303 spesimen herbarium secara saintifik

Oleh Mohd Sabran Md Sani

sab@mediaprima.com.my

Bagi berkongsi maklumat hasil penyelidikan, Institut Penyelidikan Perhutanan Malaysia (FRIM) akan menghimpunkan 60 Orang Asli yang terbabit dalam projek pendokumentasian pengetahuan tradisi (TK).

Projek TK ini akan dibentangkan Timbalan Ketua Pengarah FRIM, Dr Norini Haron.

Ia terkandung dalam ucapamannya yang bertajuk 'Pendokumentasian TK: Satu model dunia' pada Seminar Pemuliharaan dan Pemerkasaan Pengetahuan Tradisi 2014 yang akan berlangsung di Pusat Dagangan Dunia Putra (PWTC) pada 23 hingga 24 Mei ini.

Projek bertajuk 'Pendokumentasian Pengetahuan Tradisi Orang Asli Berkaitan Tumbuhan Ubatan dan Beraroma Semenanjung Malaysia' dilaksanakan FRIM di bawah Kementerian Sumber Asli dan Alam

Sekitar (NRE).

Pelaksanaannya mendapat sokongan Jabatan Pembangunan Orang Asli (JAKOA) sejak 2007 di bawah Rancangan Malaysia Kesembilan (RMK-9) dan RMK-10.

Sepanjang 2007 hingga 2013, pendokumentasi

TK berasaskan tumbuhan ubatan dan beraroma bagi 13 subetnik Orang Asli di Semenanjung Malaysia sudah dilaksanakan.

TK bagi dua lagi subetnik Orang Asli sedang didokumentasikan tahun ini. Ada sejumlah 18 subetnik Orang Asli di Semenanjung Malaysia.

Sehingga 2013, sejumlah 1,303 spesimen herbarium disediakan komuniti Orang Asli dan lebih 325 Orang Asli dilatih untuk mendokumentasikan TK secara saintifik.

Seminar bertemakan 'Melestarikan Legasi Pengetahuan Tradisi' ini juga membincangkan mengenai pelbagai usaha memulihara,

mengaplikasi serta merealisasikan produk berasaskan TK dengan kukuh serta isu-isu berkaitan perkongsian pintar.

Ketua Program Bioaktiviti FRIM, Dr Nik Musa'dah Mustapha akan membuat pembentangan usaha FRIM menilai kesahihan aplikasi spesies tumbuhan terpilih serta meneroka potensi baru tumbuhan itu untuk dikomersialkan.

Seminar ini juga akan mengemukakan penceramah pakar seperti Prof Emeritus Datuk Dr Hood Salleh dari Universiti Kebangsaan Malaysia (UKM).

Dr Hood akan membentangkan topik 'Pengalaman dan Pembelajaran dari Penyelidikan dan Pembangunan Orang Asli'.

Selain itu Prof Gurdial Singh Nijar dari Universiti Malaya (UM) akan membincangkan mengenai undang-undang Access and Benefit Sharing (ABS).

Seramai 200 orang pe-

serta akan menghadiri seminar sempena Pameran Herba Malaysia (PHM) 2014 pada 23 hingga 25 Mei di PWTC.

Majlis Perasmian PHM 2014 akan disempurnakan Menteri Sumber Asli dan Alam Sekitar, Datuk Seri G Palanivel.

Pameran ini dianjurkan oleh FRIM dengan sokongan Kementerian Pertanian dan Industri Asas Tani, Jabatan Perhutanan Semenanjung Malaysia (JPSM), JAKOA dan Institut Penyelidikan dan Kemajuan Pertanian Malaysia (MARDI).

Turut serta Biro Pengawalan Farmaseutikal Kebangsaan (BPFK), Persatuan Institut Penyelidikan Perhutanan Asia Pasifik (APAFRI), Technology Park Malaysia (TPM), Majlis Amanah Rakyat (MARA) dan Jabatan Kebudayaan dan Kesenian Negara (JKKN).



MASYARAKAT Orang Asli mendengar taklimat daripada kakitangan FRIM.